

平顺县志

第四册



平顺县志

第四册

平順縣志 第四冊（三十開版本）

翻

印

山西省平順縣志
編委辦公室

承

印

湖北省印刷廠

日期：一九八三年九月

平顺县志卷十

古迹考

城垒 冢墓 遗迹 祠宇

考古即所以徵今徵今方足以信后处千百年后而欲知千百年前民生之隆替时势之盛衰即城垒冢墓遗迹祠宇之有无多寡亦足觐当时进化之现象以为后人之所取法至於无稽之谈与夫一切谣祠及有关神话之传闻则屏而不录焉述

古迹考

城垒

石勒城 县东北七十里之石城村即古石勒城昔武

乡羯石勒据上党曾筑城于此以为屯粮之所故

村今犹以石城名其旧城虽颓废殆尽而东北两

角遗址尚存

照城 按壶关志新兴里靖林山上有城相传为慕容

永据长子时筑以东拒慕容垂者旧有土城今圯

俗称赵城

冢墓

李左车墓 李左车相传系广武村人庙宇及墓犹存

村名亦因左车封广武君而起

见丛考

窦建德墓 墓及庙皆在窦峪村南三里许东岭上

事实

见丛考

遗迹

错鑿沟 县东北奥治村西赤壁村东有沟名错鑿沟

传言伯鯨治水至此引漳南行功不成后禹因势

利导去其壅塞漳始东流疏凿之痕至今犹存

徐元祉詠错鑿沟诗天造漳流塞未通重华遴选
拜司空鰥侯妄竭南山力禹圣终收东海功石上

凿痕千古异台端庙貌万方同徘徊
不尽伤心事徒切瞻依千蛊风

消军岭 在县南三十里相传王莽追光武至此其军

消散故名

抱犊藏书 按壶关林县等志抱犊山即在玉峡虹梯

等处晋王烈尝入一石室见素书两卷又魏鍾繇

初与关枇杷学书此山师曹喜刘德升后得韦诞

众藏书遂过於师

打虎岭 传言晋王李克用养子李存孝曾打虎于此

故名县东南三十里古有村名沙陀因克用系沙

陀人故也

黄巢岩 一名高楼岩在县东六十里虹霓村南山顶

传言黄巢微时曾练兵于岩中其下油道闯二鬼偷油故事又有巢起兵时在槐树坪斩树祭刀传

说

沈王脑 在石城西阳高北相传明藩沈王曾逃兹一

说明太祖子朱楨初封楚因齐泰黄子澄请削诸

王兵权朱楨隐遁于此及靖难兵起建文出走燕

王迁都北平王遂北去其菴石刻有轩冕曾辞避

潞川龙袍久已换青衫方知王气消南楚不料雄

風表北燕等句以此考之應稱曰槿王腦按府志
李自成破潞安沈王迴洪年幼挾之馬上北去不
知所終當時沈王居此近是槿沈音近土人恐訛
讀其音虽誤其事則確

沈王祠宇

金灯寺 即宝岩寺在新兴二里迤东崖半石岩中因
有金灯故事后人固据以名寺系北周芊上人建
寺中俱石室石像岩前院落大小不等内铸神佛
无数悉系铜铁一铜像高丈八腹藏经皆白锻编

輯成卷后人取而焚化相传寺僧坐禅夜有金灯
数盏从空由南山飞入佛前僧童取帚扑地拾视
树叶也其后金灯无复常见有至诚祈祷者止现
于崖畔间

附中州崔士棨登宝岩寺观金灯七言古风

太行千里亘地轴隆虑西来群峰矗崕峪岭下梵宫开
景象端严拟天竺玲瓏乱垂如倒莲石龕出洞似华屋
栋宇锥琢皆文章千佛万佛骇人目神工运巧如巨灵
泉水涓涓绕佛足昔闻清夜现神灯半信半疑心未服

花朝携友一登临诗囊酒榼随童仆晓行红日上高岭
俯看白云满空谷行行杖履近青霄寥寥尘寰真一掬
半山雨落湿樵薪山上朝曦凝树绿来来往往人攀跻
香火朝神相陆续辘轳千尺下琼浆岩底行人消吻酷
洞垂佛手浴清冷顶偃古松苍盖覆平生癖性爱烟霞
天下奇观可称独夕阳对酌发高歌近夜看灯试密祝
忽然对山一星明清辉晃晃如行烛须臾数点起四山
眼底涧中五灯簇乍明乍暗焰荧荧还远还近光煜煜
分明出现摩尼珠龙女呈来照临麓游人大诧号佛声

果是山灵酬我欲僧人邀我坐禅牀手捧清茶奏梵曲
细问此山开何时住持谁者留芳躅云昔修定芋上人
石窟端居虎自伏示寂一性反灵山百年遗骨香如玉
宝塔幽堂卧俨然过客咨嗟尽瞻肃圣境须生圣者成
梵天巍峨表亭毒闻言不觉竖巅毛胸中愁烦消万斛
禅宗我悟最上乘睹此佛灵莫敢瀆同行俱是青云伴
纪胜教子书束牋灯下走笔思若狂漫吟只恐大家辱
西山奇迹满襟怀归家可作卧游录小窗一枕醉春风
清梦夷游伴猿鹿

程之沼再题宝岩寺诗往花园村踞太行巅上
有古刹栖枯禅入夜金灯往往出乍明乍灭
树林边观灯佛子归佛力自我思之恐不
然中土无佛山即有此灯灿烂几千年非
从白马驮来物不稽之言莫轻传暇日玉
一片子谓灯皆是山灵宣明珠一颢皆润
浦良玉一片能辉田宝藏之兴萃陵谷
自然光怪冲云天峨眉简州衡岳地匡庐
灭章太白前到处有灯警耳目岂皆天竺
种奇缘邺下崔生名下士流连吟物题诗
篇才俊逸但佞佛佛日岂借灯增妍我作
此歌告来者读书明理莫牵缠山归山今
佛归佛鉴朗衡平两不偏牛倬宿宝岩寺
诗岩间清梦醒窗外白云飞理乱浑无

觉钟声
入翠微

龙门寺在石城村北八里天台山麓北齐时建按襄

垣僧人戒曩撰碑谓初有南阳内史陆机之兄释

名法聰朝五台归因世乱隐遁於兹简文帝召见
大悦命修寺宇初名法华寺至宋有高僧悟深造
汴朝见太祖皇帝帝悦赐以紫衣黄牒又勅赐匾
额曰龙门山惠日院在唐宋间僧徒多至三百余
今则寥如晨星矣

苏门孙澈题龙门山寺诗
涧水激潺溪危峰百丈峭
山僧道心真缔构甚殊妙
殿阁多峥嵘丹碧互相照
我来虽抱檄乃得尘外笑
秋声起岩壑宛若苏门啸
下步穷水源高掇白云峭
岂期俗士驾放目一览眺
微官安足荣归与从荷蓁

大云寺
在石灰村龙耳山下每逢天阴此寺云盛雨

遂沛降故名宋建隆元年建

清凉寺 在迁善一里清凉山巔唐贞观间沙门明月

建钦赐曰历泉寺明正德丁丑沈国沁水王偕旗

官张子能等幸山寺进香

知县王荣诰题清凉山寺诗 清凉隆耸万山头
传说曼珠大士楼无象包罗金色界有天展放玉

光眸涌泉疑是莲花井树木应为兰若
丘中见焚修玄度者兀然高坐乐悠悠

圆寂寺 在葛井山阳土名葛井寺殿侧有千佛石龕

神像规模精巧唐天佑七年禅师慧明结庐于兹

周世宗咸德初诏省废天下寺宇祇留三十四所

此寺因名山佳处不遭废逮宋太平兴国元年始

以圆寂院匾额赐之

荐佛寺 在东禅村东里许宋太平兴国九年建

徐元祉题荐佛寺诗 荐佛名萧寺禅和颂法华
蒲团栖弱草莲炬落寒花路僻云生顶山高月吐

牙虎蹊今又遇
生涯半天涯

妙轮寺 旧在城内因兵燹毁废后改建城外东山曲

今寺头有妙轮寺故址

彰法寺 在张井后里寺峪沟内系妙轮被火移建

徐元祉题彰法寺诗 彰法何年建浮屠插翠微
客登青玉案僧卧白云扉刹古鹤惊午林涂鸟倦

归出谷风鼓腋
直欲逐天飞

福兴寺 在新兴四里

龙泉寺 在新兴里

扬觉寺 在茱兰岩村南沟内

藏梅寺 在虹霓村西有石塔高峙

大觉寺 在消军岭

卸甲寺 在扬威村西山上

佛头寺 在候壁里因山似佛头故名

淳化寺 在阳高村西唐开元间建